

Komunikadu Imprensa

Planu no Alokasaun Orsamentu 2009 Sei Hatuun Nasaun ba Rai-kuak ‘Malisan Rekursu’ nian

12 Janeiru 2009

Nu’udar Organizasaun Sosiedade Civil sira ne’ebé hamahan-an iha Forum ONG Timor-Leste (FONGTIL) no *Core Group Transparency (CGT)*, ami haree iha pontu importante lobuk balun ne’ebé Governu, Parlamentu no Prezidente tenke rekonsidera molok passa no promulga orsamentu ne’e, atu hodi asegura katak sei iha nafatin sustentabilidade no balansu iha gastu orsamentu ba tinan hirak tuir mai.

Gastu la sustentavel aas liu “Estimatizasaun Rendementu Sustentavel”

Tinan ne’e, bazea ba dokumentu Orsamentu Geral Estadu (OGE) 2009, aloksaun orsamentu hamutuk tokon \$680,873 ne’ebé tokon \$91,045 mai husi reseita non-petrolífeiru no restu hamutuk tokon **\$589,828 ne’ebé mak sei taka ho verbal mai husi fundu Petroleu**. Kalkulasaun ba Estimatizasaun Rendementu Sustentavel (ESI) iha Outubru 2008, husi Ministeriu Finansas hetan tokon \$407,8 ne’ebé seidauk too atu taka defise ne’ebé iha, entau sei presiza tan tokon \$181,2 hodi kompleta defise ba orsamentu 2009. Pergunta mak ne’e osan tokon \$181,2 ne’e atu foti mai husi ne’ebé? Karik hasai husi Fundu Petroleu entaun oinsa Governu ne’e responde ba statementu Primeiru Ministru nian ne’ebé hateten **“Governu ne’e sei la foti osan husi Fundu Petroleu ne’ebé aas liu fali Estimatizaun Rendementu Sustentavel ka ESI ba iha tinan fiscal oin-mai.”**

Sosiedade Civil haree, sei prudente liu atu Ministeriu Finansas reestimatiza fali ESI no husu Deloitte atu reverifika reestimatizasaun ne’e. Karik ida ne’e la halo entaun sei iha nafatin inserteza no inkonsidente ba planu no aloksaun orsamentu estadu 2009 nian ne’ebé sei lori nasaun ne’e tuun ona ba rai-kuak Malisan Rekursu nian. Reestimatizasaun ne’ebé atu serteza liu, posivel atu halo iha Marsu 2009, ho prediksaun produsaun foun husi ConocoPhillips no *Annual Energy Outlook* husi Estadu Unidus nia Informasaun Administrasau Enerjia (EIA).

Projeksaun orsamentu ba futuru ne’ebé perigu no la realistiku

Wainhira Organizasaun Sosiadade Civil halo analiza ba orsamentu rektifikativu 2008, ami halo konkluaun katak governu nian projeksaun gastu ba tinan 2009-2011 barak mak inkonsistente ho asumsaun iha orsamentu 2008 nian, no halo estimatizasaun ne’ebé la kondiz ho gastu iha Futuru. Proposta orsamentu 2009 besik ho La’o Hamutuk nia projeksaun ne’ebé prova katak ami nia analiza los. Klaru katak gastu orsamentu 2009, tokon \$681 ne’ebé besik atu hanesan ho Sosiedade Civil nia projeksaun mak tokon \$665, duke tokon \$517 ne’ebé mak Ministeriu Finansas projekta ona iha Orsamentu Rektifikativu 2008.

Tristeza, ami haree problema hanesan ho estimasaun ba 2010-2012 ne’ebé iha esbosu Orsamentu Estadu ba 2009, no ami husu ba Governu no Parlamentu atu ezamina didiak prediksaun sira ne’e no atu konsidera sei direksaun ne’ebé tau iha 2009 bele kontinua nafatin iha tinan hirak oin mai.

Hasa' e Salariu ne'ebé la prudente no la sustentavel

Proposta orsamentu 2009 hasa' e gastu ba salariu iha governu nia laran tomak 94% boot liu alokasaun orsamentu orijinal 2008 no 138% aas liu alokasaun orsamentu iha 2007. Ba futuru susar atu hamenus fali salariu ne'ebé hasae ona no ne' e sei kontinua ba nafatin too ikus sei sai pensaun ba funsinariu sira wainhira sira remata ona servisu. Tuir relatoriu banku mundial hateten *Timor-Leste: Pobresa iha nasa'e jovem*, ne'ebé indika katak numeru pobresa aumenta makaas durante tinan lima ne' e nia laran. Liu-liu iha parte loro-monu np area rurais iha sentru Timor-Leste nian, ne'ebé ami fiar katak iha votantes barak mak fo votas ba governu ne' e.

Tuir relatoriu FMI nian indika aprosimadamente inflasaun NASAUN ne' e nian mak 9%. Kuandu, ita fakar osan barak tan iha rai ne' e, entaun inflasaun nia pursentanzen sei aumenta makaas liu tan.

Diversifikasi dezenvolvimentu ne'ebé sustentavel

Seitor Agrikultura ne'ebé sustentavel

Alokasaun Orsamentu ba Ministerio Agrikultura sempre aumenta kada tinan ne'ebé atu bele koresponde ba kuaze 80% populasaun Timor-Leste ne'ebé moris depende ba agrikultura, pekuaria, peska no floresta. Tan ne' e, governu tenke fó prioridade makaas ba iha seitor agrikultura hodi kria sistema ida ke sustentavel laos deit nakonu ho ekipamento modernu sira maibé kuntuusaun laiha. Entaun hamenus kiak, hasa' e produto aihan lokal, hadia ekonomia uma kain iha area rural, tenke haree seitor ne' e laos instrumento ida deit ba hasai produsaun maibe sai subjekto rasik ba produsaun liu husi alokasaun orsamento ba kapasitasaun agrikultor sira hodi uza rekursu lokal no ekologika ne'ebésustentavel.

Agrikultura sustentavel mak Timor-Leste hakarak ka agrikultura modernu sein kapasidade no sistema ne'ebé sustentavel? Ami haree importante liu atu bele halo balanso iha uza ekipamento agricultura hanesan traktor no seluk-seluk ho plano ida ne'ebé mak diak no hanoin ba loron naruk no garantia nia sustentabilidade no ekolojika ida ne'ebé saudavel. Harii no hadia infraestrutura sira ne'ebé relevante ba agrikultura sustentavel hanesan halo ka hadia Estrada, kria kondisaun merkatoria ne'ebé saudavel, halo no mantein irigasaun no protesaun ba rai (natar ka tos).

Dezenvolvimentu Infraestrutura iha Timor-Leste

Infraestrutura ne'ebé forte no sustentavel presiza tebes iha NASAUN ne' e hahú husi area rurais too mai iha nivel nasional, atu hodi fasilita liutan populasaun sira Timor-Leste laran tomak hodi hetan asesu ba iha seitor hotu inklindu seitor Agrikultura, ekonomia, edukasaun no saude ne'ebé saudavel. Buat sira ne' e bele akontese deit liu husi kria kondisaun transportasaun ne'ebé diak no preparadu atu ema hotu bele fasil atu hetan apoiu ba sustenta sira-nia moris.

Infraestrutura ne'ebé harii tenke iha kualidade ne'ebé diak no kontinuusaun ba manutensaun la'o nafatin, **laos fali harii ohin fulan oin aat ona.**

Orsamentu Estadu anual ka semi-annual labele halo hanesan fatin atu deskute no koalia kona-ba politika no direksaun Nasaun Estadu Direitu Demokratiku Timor-Leste nian. Karik ida ne' e mak akontese sei hamosu ameasa ba prosesu dezenvolvimentu ne'ebé sustentavel ba futuru Nasaun ne' e nian ne'ebé sei la'o sees dook husi nia objetivu atu lori povu Timor-Leste ba moris ne'ebé prosperu no stavel iha jerasaun agora no gerasaun tuir-mai.

Bele hetan statementu ne' e iha ami-nia sekretariadu FONGTIL no CGT ka bele manda email ba ami.

**Membru FORUM ONG Timor-Leste (FONGTIL) no
Core Group Transparency Timor-Leste (CGT)**